



藤格館雜體文



Faint vertical text on the left page, possibly bleed-through or ghosting from the reverse side. The characters are illegible due to fading.



或披文以相質或纏綿而悽愴或優游以彬蔚
或精潔而朗暢信注或平微以肖雅或炜煜而洞暢
士衡所賦而者之洵乃才士之所作而者以得
其初心

古村

藤梧館雜體文

春秋摘微序

中興書目云盧仝春秋摘微一卷十二公凡七十六
事其不傳於世久矣唐書經籍藝文兩志俱無其目
宋鄭樵通考宗藝文志俱云四卷朱錫鬯經義考引
許顛晁公武李燾三家所論李氏仁甫云舊聞仝解惠公
仲子曰聖辭也而此乃無之疑亦多所亡逸晁氏云
祖無擇得之於金陵宗文總目所不載是其書自宋
已罕惟焦竑經籍志載當代見存之書內有盧仝春
秋摘微四卷在論說類據七十六事疑未可分為四



卷殆猶宋志仍鄭樵之誤。竑亦據其目而書之。未必實有其書。乾隆丙申抄得自永樂大典輯出。杜諤春秋會義內引盧氏摘微頗多。惜缺僖公自十五年以後。襄公自十七年以後。二公共缺三十五年。暇日抄為一帙。凡得五十九事。缺十七事。又會義引祖冲之摘微後一則云。易始于乾坤天地之極也。詩始于夫婦人倫之本也。書始于堯舜善其禪也。春秋始于桓誅其篡也。蓋亦嗣盧氏之意者。附識之於序。癸卯秋七月既望。闕里孔廣棧識於欣欣亭。

○聖駕六巡浙江恭紀五言排律百韻詩序

代甲辰

臣聞伊祁遊河之歲。刻玉仲春。虞姚巡洛之年。受圖下稷。蓋昌既遘。經術斯尊。景運方開。豫遊有諺。况海河源。委為三王。致祭先後之期。泰岱崇高。實二帝望秩。巡行之首。洪惟我皇上。御極之四十有九年。歲次闕逢。執徐。翠華時邁。泰始開夫。三陽鸞輅。重臨。數更符乎五載。朱旗宛轉。綠野生春。金罕委蛇。暮川增曙。惟吳越為人文之藪。緊鄒魯亦詩禮之鄉。崇釋奠者。玉趾七臨。望巡方者。龍舟六沛。宮牆萬仞。屢升至治之馨。纚佛千艘。叠仰洪恩之賁。固不獨詞臣珥筆。播聲詩于玉檢。金泥。野老扶

藜拜 御蹕于青疇綺陌已也。且夫 朶雲優渥恍
同膚寸于名山 膏雨滂沱如挹 恩波于巨海登
高覽衆小尋常聞見之規模觀水循瀾祛淺近測量
之擬議惟精惟一 後聖契前聖之符樂水樂山知
者同仁者之好奏膚功于洛汭輦巨障乎海濱斯固
奠澤國于安流錫中邦以樂土利民兼以濟物通漕
即以治田者矣矧 德偕功茂 惠與時長 道並
作之君師 澤遍覃于臣庶 屬車暫駐則全免徵
科 蹕路所經則遍蠲正賦勵庶官而法廉胥勸擢
良牧而階秩頻遷合萬姓以臚歡摠三儀而介祉譬
猶賓若華于日觀畏佳不遺溥潤澤于河流焦枯咸
遂 臣等膠庠廁列葵藿傾心仰沕穆于 淳流深逾
海濺指延洪于 壽祚崇並崧高拂野和薰應候惟
徵解阜連騰麥秀詒年已告綏豐賡天保以抒忱快
覩九如成象效山呼而表慶欣稱 萬歲同聲謹拜
稽首而為之序

又頌十六首并序

臣聞 聖世之瑞應莫大於河海之清晏而 聖治
之光昭莫備於天地之平成此振古以來歷聖相傳
無不以安天下之百姓為事績即無不以安天下之

百姓為道統是以堯舜禹湯文武傳道統於上自元
圭肇錫宇宙康乂即上紹於河圖洛書也孔子接道
統於下如日月經天山河鎮地猶寤寐於老少安懷
也蓋古昔聖王因天事天因地事地因人順人故儀
隣吐精英山澤表蘊愔而葩華布濩愈形其海涵仁
育法乾健而不息肖謙虛而不有而阜安樂育倍神
其孳生字息豫游以省勸禮教以興行緝熙純嘏千
聖相承異車同軌欽惟我 皇清之正 天位也
聖 聖相承 德超三古 澤浹八埏 重熙累和
廓清廣運靡有涯涘茲蓋伏遇我 皇上御極之四

十有九年寓內熙皞中外拓坦河決永塞海塘預鞏
舟楫所至皆版圖其淵滙人跡所通咸拱環為擁衛
聲教蓋開闢丕冒極覆載無小無大一民一人無不
各得其所即凡天下跂行喙息蠕動趨枝布葉之倫
靡不煦伏長養遂其本性我 皇上猶容保民無疆
兢業於小民之依不自暇逸爰練日詠吉 詔職方
戒塗太僕掌馭乘 鸞輅發 王畿升岱嶽謁闕里
夫子之堂由是觀河浮江涉淮經閭闔視浙江抵鹽
官所在 清問下民疾苦夫以 聖祀聖 淵衷也
升中告虔順動也河慶安流瑞符也潮汐恬活 神

功也。故寤寐次於一聖心。所以古聖王以道統為治。統至孔子而集其大成。譬之登泰山而齒翠宮。隆者失其高。觀河海而源委。脉絡之得其貫。惟聖天子紹其統。擴充安懷之心。發皇為邛隆之治。故普天之下。如戴天。忘高履地。忘厚。是以乘輿所幸。悅豫懷柔。而不必稽肆。巡五載輯瑞。課耕之文。裏輪燔柴。砥石泥金之典。自胥垂憲章。即濁河之性。最易汎溢。而芻縹竹木。畚缶糗糧之素。豫開壩陟門。啓閉宣洩之素。講一重臣利導。而得真定者。仍沛汪濊之仁膏。而使瀕河赤子得覲。清光即滄海之瀾。最為悍迅。

不以龕楮巖門土塘石塘之可恃。必講求之為縱。為橫。為竒。為耦。坡陀平實之法出。國帑大萬。而得鞏固者。猶經睿覽之周詳。而使籌海工庸。永無衝缺。是則百姓久躋春臺之上。沐化日之舒長。而我皇上仍巡而宥之。所謂萬人幸之之謂。幸萬人豫之之謂。豫而安百姓之心。有與河海同其深。山岳同其固。千古聖人同其符節者矣。臣躬際昌期。思陳賦頌。誠不足形盛德于百一。敬神妙之毫芒。伏思拊石則百獸率舞。鼓琴則六馬仰秣。調協則蕤賓騰躍。風被則草木偏反。生異動植。能不感悅。謹誠歡誠。忭

頓首稽首而獻頌詞不敷忱聊同諸擊壤之歌里巷
之謠庶以點綴休明云爾頌曰鴻龐帝德覆博帡
幪炳海表岱業光祚融開榮灑澤舒電爍虹繼
列聖統穹焉其隆一虞賡帝狩夏頌王遊春勤宸
駕萬方承流歲祥值甲月吉維陬鸞旂載旆肅肅悠
悠二我皇矣止先彼岱宗旭明雲霽百靈景從鏤
錫播韻芝蓋有容禮循望秩陋彼登封三天下為小
斯言自古惟聖知聖七幸於魯尼防戕戕昌平臙臙
匪山之崇惟德之府四宮牆閔恤聖朝鴻模鑿
輅弗御天步乃趨既盥既薦陳器填紆爵鹿祖桓

雷洗觴觚五轆轤。聖林場築端木荆榛自闢喬灌
百族文楷靈著浸淫滲漉駐趨有亭皇心穆穆
六鳥官著代金人紀銘少皞陵古元公祀亭曾臨
萬乘褒崇升馨載命奠酒百世儀型。川上新濶
郊封舊國傳千百年比十二德省方所屆禁籞
爰飭我皇悅豫輿情允塞。更厘黃運隄防新完釀
澹河流兩獲奠安已發倉廩已降緡緩得無赤子而
或饑寒。九瓠子宣房夙勤袞冕河濁淮清黃深御淺
遠媿。廟謨輔臣用遣順性朝宗績庸告藏。軫念
吳越大海與鄰山峽漲東潮來有神低田慮鹵水邨

易湮所恃石塘以安斯民。坡陀之法楊瑄所置。縱橫之術起黃僉事古有成規。帝念備至。詔築石堰作萬世利。○蹕路所經。思綸是增。遂徧山川。馳祀敬承。帝王寢谷。賢聖祠陵。靡不周徧。馨香薦升。○至於租稅雜役。丁錢通入。條邊祖庸。奠緡或全。或半。連連。賜蠲凡有血氣。敢忘戴天。○是惟聖恩稠疊。滂沛配地。配天無內。無外。量恒河沙。不可計會。惟望巡遊。聽鸞聲。噉五休嘉。備矣咸五。登之况東人士。湛汪先覃。敷敷莫聲。踵頂是甘。小臣獻頌。視古則慙。

又序一首

七律上下平三十首另二人作

皇帝御極之四十有九年。歲次閑逢。執徐勾萌。司令太簇。應律景星。呈絢。涵露飛甘。五緯垂文。三微固社。武功息於底定。文德崇於緝熙。治洽澤敷。禮昌樂作。薄海有謚。函夏無塵。聖帝乃乘鸞路。駕青旂出金門。由孔道發畿輔。幸東方登泰山之高。行望秩之禮。卿雲之光華。復旦八伯謳吟。卷阿之伴。負來遊。千官扈從於馬。遡奎躔之故鄉。訪繡紱之遺踪。重屆昌平。七臨闕里。式瞻聖像。釋奠孔林。薦菜陳牲。豆籩咸舉。威儀抑抑。進止踴踴。禮儀備矣。侯其禱而。

兼以訪少皞之遺墟。式元公之舊里。凡以崇儒
重道。褒德論功。隆禮有加。無已也。夫循流景躅。畧備
于曩編。而符軌合節。實由于至聖我皇上躬堯
舜之睿姿。志周孔之絕學。握鏡澄物。文恬武熙。墜禮
復章。流樂返雅。聲教所訖。莫不驗風受吏。候月歸賚。
巍巍之業。皇哉唐哉。豈惟掩七十二君之遐迹。而躋
其首乎。乃冲懷謙讓。無取鋪張。惟是考虞書姬典
之篇。倣五年時邁之例。玉輿東幸。既五營之星列。

翠華南指。復七萃以雲屯。已講釋菜于東魯。遂清
天蹕于江淮。則有甓社流清。瓜洲樹密。龍潭江岸。

鐘梵清冷。牛首峰巔。烟雲杳靄。眺虎山之橋外。菖葉
杏花。望林屋之幽巖。銀房石室。更有苔溪繞翠。雲水
噴珠。山號南屏。黛眉掃靄。湖稱西子。鏡面鋪平。天竺
飛來。聳岩竄之鷲嶺。雷峯倒影。掛紺碧之浮圖。山川
盡入宸章。風景胥經睿覽。豈惟展愛戴之下情。
足極豫遊之盛事爾。皇帝勤事彌殷。撫民愈切。
屬車所至。蠲賦停徵。扈從之臣。晉階增秩。賜高
年以帛。蠲詢農叟之劬勞。于時齊邦魯境。越水吳山。
以及海澨。山陬遐方。異國凡有血氣之倫。圓顛方趾。
元髻黃髮。鼓舞謳吟。歡喜悅懌。下至蠓飛蠕動。蚊行

咏息之属莫不優游鴻龐俯仰潤澤 國家仁壽之
符洽乎此矣。且夫河性舛險賈讓之三策所以壽之
有等也。海勢汪洋禹貢之九州所以治之不及也。黃
深御淺往來之患甚取器夕汐朝潮性力之猛勝穀
洛况東經兗豫南下極清地卑而滓濊易停土脆而
梁防善潰海寧之瀕錢塘之側椿木特七里之固籠
竹非萬世之防不有良圖疇臻上理我 后軫念民
依詳規地利運籌 廟廟布 令旬宣 國帑頻輸
民居永奠杜泛溢而兼通漕運防漶漫而更築石塘
不教武肅之勲孰論河渠之志天吳長戢海若不驚

迭奏膚功用紆 親覽斯誠光燭九有仁被六幽德
有以紹 聖祖 神宗功有以紹三王二帝者矣小
臣身遊膠序時際昌期觀河海清晏之休值稽古右
文之日效山呼嵩祝之誠致望 幸歌息之意曝暄
芹美敢云有當于九如壤擊衢謳惟祝無疆于 萬
壽敢拜手稽首而為之頌序

募修聖澤書院兼浚洙源啓

代宗子篤齋

蓋黨庠術序代有成規春誦夏絃士勤卒業延師講
授固獎勸誘掖之多方閉戶嘯歌在游息藏修之得
地是以廣教思于鹿洞務闢精廬集名士于鱣堂定

規講舍。橫渠臯座列東西者二銘。安定鵞湖分左右
兮六事。况鄒魯人文之會。不輟絃歌。鳧嶧先聖之
鄉。夙敷詩禮。翠華泣止。駐蹕高洒夫。天章奎閣
飛騫。賜書特來自中。秘樹豐京之棧。樸多士思
皇。擷泮水之藻芹。人才蔚起。豈宜使市槐徒列。全無
敬業之齋。壇杏如新。並乏下帷之地。竊見吾邑有
聖澤書院者。創自前朝。近在北郭。尼山遺澤。教首六
經。宗國多賢。盛推四氏。琴書聚處。壁間聆絲竹之竒。
堂廡開時。海內仰門牆之峻。猥以久遠。漸即廢頽。儒
宮之一畝。虛存茅舍之幾椽。莫問斷垣破壁。岳麓廢

而文教頽衰。度閣攤床。稷下游而浮談滋盛。某德愧
承先志。殷勸學。每思鳩匠。因故址而闢堂階。兼設置
田為諸生以謀膏火。雖諸學之並列。且姑先其一。而
後其三。尚同志之樂輸。不定則多。千而少百。再惟涖
水實護。聖林在春秋之際。已著于經。乃日之深。漸
淤其迹。就其深矣。安能使學海波揚。䟽而滄之。方不
令心源并廢。是宜兼及。共望有成。庶幾丕振文風。賢
士盡經明而行立。欽承道脉。聖學愈源遠而流長矣。
謹啓

祭于文襄公文

敏中

代宗子堯岸

庚子

碩德膚功我魯等泰山之仰。乘雲御雲中宵沉昂宿
之精四十載望重老成名傳東閣數千里驚聞凶計
愴絕西州痛予枕函無自憑棺遣使抒忱惟神昭鑒
伏念公江南右族東海名家自賢贈公譽協圭璋與
先君子夙敦縞紵纂玉虹之家乘編絲壁之遺文穆
若金蘭繼以年歲盈科而進知觀水之有瀾世德作
求識其門之必大迄公日華賦就人鏡奩開珊網秋
來玉衡東指遂承盼睐申以婚姻孔李本屬通家朱
陳更增新好矣嗣後幸林扈蹕陪燕喜于芹宮復因
入覲趨朝接衣香于台座歡然情緒用益綢繆胡不

慙遺忽焉頽謝公真不朽吾誰與歸惟公學為王佐
簡在帝心領袖俊英黻黼宸極書開四庫非誇二酉
之竒地闢兩川不藉五丁之力於時衣冠翠錫任圖
刑都尉崇封光昭奕禩紫光秘閣貌炳丹青朝野侈
為美談功美德著而不滅方期壽惟平格永錫自天
豈意福曰考終順受乎命嗚呼鰲頭春老莫問花簪
箕尾魂古歸空占夢卜其也惆悵餘禱湖洞遺烈嘆
逝川之無歇感崇陰之不居涕豈無從似吾祖之痛
深遺愛始其必復庶嗣服之懋乃功宗

代允婚啓

成文
家茂才兄與趙某
代家義聲伯作

伏以藍田乍煖種來白璧之雙絳縷初封繫用烏羊
者一桃夭冰泮特見美於詩人束帛承筐亦曾詳于
媒氏况以潘楊舊戚申之劉范新姻選貴鶴書兼將
雁幣恭惟某系由顯帝世闕丁沽遠追廣漢之風近
紹旋夫之譽文章報國已大闡于乙科圭璧持躬復
克承乎甲第驥騰逸路真堪保障乎晉陽鶴步閑庭
直等彈琴于單父積善必有餘慶種德自可迎祥前
烈肇基家聲克紹金鼎玉圭並徵雍睦之風芝箭蘭
芽盡起風胡以上所以令姪幼而聰敏家訓夙承長
復岐嶷良材見用翻經秘閣漢有寫書之官奉選南

曹吏重親民之佐班書阮略字正立言錄事曹司才
資坐嘯弟用殊時尚性本拘墟撫循百里曾無苛襦
今誇之謠落拓七旬忝居杖國傳家之齒敢云門同
王謝實因誼屬朱陳舍姪年近方剛才非利濟明經
不第敢當張鷟之評名理未通空負元陽之目乃承
嘉命許締良緣猥以即君配茲弱女况聞髫年穎質
綺歲竒童秋水精神石麟氣骨月影雙影擅徐孺子
才華詩妙九齡蕪元微之敏慧顧弱息之無莫辨絳
織未嫺得借伐柯爰成嘉耦此皆誼敦舊德追溯家
聲信姬姑耦之必蕃遂秦晉盟之是篤屏間射雀繡

禱浮春幔後牽絲玉堂送喜既云繫臂彌深瓜葛之情業已提壺更重葭莩之戚得倩蹇修以為理何殊青鳥以銜書敢借元纁副茲純帛鳳鏘占吉月斧修成宜室宜家即於渭陽之里曰兄曰弟依然中表之稱麟趾兆祥鵲巢堪託用允金諾敢負玉成

代

家大人為三舍弟

韻

采啓

癸卯春占山成
本守用濟汝舟

伏以鳳卜諧祥肇允赤繩締結雀屏騰瑞輝睽白璧孚尹德脩高門天緣好合况以媯姜舊好申之姪姑新姻虔請吉期序屬一陽將泰敬敷篚篚佇觀六禮初成恭惟某廣陵望族陽夏名門壺歌敦詩禮之風

節鉞寄干城之任虎頭燕頤早覘萬里封侯青綬銀章快覩雙旌出守佳話重徵夫坐嘯清風每寄于携琴令嗣家訓夙承良材見用文昌天府實總食貨之樞畫省中臺茂佐地卿之職固知度支分掌不第誇青纁錦繡之班而齒籍專司實卓為粉署花廳之彦者也某夙塵即省久退家居學失趨庭材殊計相小兒義方未教寧期掛角有經風矩自慙漫已年當典謁敢云門同王謝祇因誼屬朱陳尋澗沚之蘋蘩藉季齊而昭明信舉河洲之苜蓿樂窈窕以賦好逑古禮式遵薄物初將于奠雁親迎已至新儀佇候夫提

壺肅占冰泮之時敬請桃夭之日百兩用幣納徵寧
藉夫烏羊九十其儀得配先資夫純帛會見瑟琴鐘
鼓洽永好于百年行且弓冶箕裘闡鴻休於奕禩統
希丙鑒不盡寅恭

請沈觀察題主啓

代宗子堯峯
庚子

伏以德溢蹇帷松栢注鴻慈之被碑榮灑翰楛林揚
豸繡之香定華衰于千秋迎神克孝補絳跌于六什
錫類惟誠洙泗流春尼防鞏瑞恭惟公躬扶大雅手
轉鴻鈞學重獲麟經術遠追漢代望隆衣豸廉聲久
播河壖喜砥柱之澄清千里冰壺澈映幸星槎之維

繫一方節屋盈寧姓名早注于

御屏指日被崇階

之擢功德遍孚于輿誦聞風興異地之思既新沐夫

思波復進披夫文藻

某風投縞紵近荷光儀方謂世

守遺書庶用文章報國詎意身承重服僅存衰經餘
生徒哀風木于生前敢懈霜露于歿後音容雖邈仰
粟主以如生靈爽式憑望椽題而增色伏願惠風遐
拂福曜早臨軫先德之未湮賁以一斑豹采鑒孺誠
之永慕錫來百斛龍文則爛熳筆花焜耀不徒于泉
壤而淋漓墨瀋馨香先見于廟堂矣

又代宗子堯齋

甲辰

伏以金章犀帶觀風惠鄒魯之邦豹采龍文洒翰杜
幽明之色德星到處撫棠蔭以行春福曜迎來咏蘭
陔而錫類化早流于河濟教更被于仙源恭惟某在
砥中流千頃默符大度神怡廣廈萬間溥被群黎最
報連年指日被崇階之擢仁敷行郡聞風興跋足之
思凡親沐夫親波皆心傾夫山斗况某猥承桃李幸
廁門牆每思侍講久疎輒擬循階時近詎意終天抱
恨捨地銜悲徒哀風木于生前莫覩音容于身後劬
勞罔報惟仰粟主以如生霜露關心僅賴祐函之永
秘追惟父執莫若師門敢期廿載之蘭交敬懇千鈞

之椽筆伏願緇帷俯臨絳帳遙臨先德未湮倘賁以
生花之管孺誠雖鄙尚懷夫結草之圖此時靈爽式
憑焜燿已周于泉壤他日梁盛告脩馨香永著于宗
祊

請柯總兵舊祀后土啓代堯峯

伏以節駐鱸鄉四塞凜風雲之肅旌移虎帳百靈昭
呵護之祥武庫藏之胸中緩帶輕裘推雅度兵機運
之掌上綸巾羽扇著風流敢邀紫電之威儀用展黃
纛之禮祀聞絲開壁望杏登壇恭惟某荷岳鍾英斗
山繫望產申甫于三晉淵源遠自章舒瞻管樂于九

州經緯早兼文武壯猷卓犖不數長楊軍令分明何
殊細柳重荷九重之推轂遂為一面之干城桴鼓不
鳴靖烽烟于海岱壺歌長肄敦講禮于尼防既戢衆
以寧人自時和而神佑某學慚窺豹系忝徵麟世澤
寵膺方洗心而主鬯先靈永隔遽飲血以就苦三載
駒過霜露無極七稽象兆日月有時慨荒迷不可對
神明惟至誠為能監后土伏願牙幢高導玉趾遙臨
成愷悌于中誠感神受福肅馨香于明德人傑地靈
則泗繞洙縈沐恩波而罔斃松高檜古銘福蔭以無
疆矣

祭山西按察司長山袁守誠文代堯峯

嗚呼橫埋玉樹况越阻以山川涸絕珠源更悲深於
戚黨齡年嬉戲歡深絕角之交壯歲遨遊勢有商參
之隔念自鳳城聯袂五稔于茲詎料鶴馭排霄之春
見計惟公靈鍾岱岳系出陳留嚴明而望重卽公博
覽而風希士蔚聿從早歲茂舉龍門迨及壯年服官
畫省審刑特詳于按獄榮司白雲比部獨重于諸曹
議歸丹筆臯陶明允之德蘇公式敬之心服職歷年
懋膺上致發揮訓誥出納絲綸掌典紫泥西掖選文
章之彥廻翔青瑣右垣標忠慎之名既判事以五花

飛騰鳳藻旋達言夫萬姓垣赫銀臺簡在帝心特加
寵沃扇清風于繡服絕憲外臺耀白日之朱旗揚鏡
廉鎮是以晉陽千里曾無犴狴冤民泐路萬家並感
睚麟實政方期年臻期耄秩至台衡乃淑問猶宜惠
心永謝喪歸千里慟感重泉其叨誼葭葦地聯桑梓
矧以潘楊舊好申之劉范新姻痛戚婭之凋殘悵老
成其凋謝惟是塵留犀柄轉塵尾以生悲柳駕熊轡
迓棺床以致奠

代人作祭文

嗚呼星隕天光聞空中之甲馬雁飛山谷導夢裏之

雙旌慨按轡于丁城仙歸何日慟藏舟于莊壑魂返
幾時維公鍾靈單父毓秀彭城祖白水而世挹清芬
薰青藜而伐垂舊德具溫敦之性與物藹似春風負
挺特之姿舉世尊如高嶽固知于門必大卜駟馬之
喧填自然實樹爭榮擅五株之馥郁而乃霜清柏府
人方羨夫勇冠日煖槐庭公彌殷夫鯉訓謂夷簡之
在東京姦不得發祝詠之泉西蜀郡賴攸寧報國全
在于公忠宰物兼資夫明知是以在哲嗣克家之肯子既卜世既功名日
而其昌柯德之遠一竟取風而浩盛于大翁宜福慶尤增胡天不弔舉地斯號其職叨
崇蔭誼切梓鄉夙未登龍徒仰尊崇之道範驟聞駕

鶴彌痛凋謝于老成山顏木萎莫禁吾將焉仰之悲
酒潔漿清尚有神或來歆之冀伏惟降鑒敬此陳詞

又

嗚呼湘烟澤雨一官增落木之悲月冷參橫千里動
黃鑪之痛猶念笑言如昨玉屑停飛不堪松柏凋霜
萋蘿莫附雲遮少室白馬何年人憶方山青楓遠夢
假楚招而告奠已防宿草之新托魯酒以將哀耶等
生芻之獻恭維岳延陵望族渤海世家奕葉象賢友
恭篤誼公以冢嫡思紹家風咏芳草于循陔念析薪
于肯構繫初筮仕蒞政西曹司職白雲議刑丹筆梁

有譽英涵峻發號冠七才揚志仁練習精明選膺三
法服職已滿簡議外銓虎節躬持龍章懋眷地聯張
掖極隴西天水之遥州近酒泉接黑婁白題之塞公
則勤宣帝命明闡使威削禁恤隣損費贍吏黑城朱
圍齊稱快事如神紅寺香山無待繕隍乃悅方期漢
廷良吏遂任封疆隴右齊民長歌襦袴而公田園志
決佩散長辭歸老桑麻怡神泉石托報國于令弟幸
克家之有人鄉鄰共仰其清高親串齊欽其曠達謂
宜養恬表志散髮舒情祝仁壽于期頤為中邦之耆
彦奈何年方踰艾瑟不安絃正值蘇子瞻除侍讀之

既已為胡居仁罷講學之日其誼聯姻戚久曠音書
悵一見之無由撫百里而遠隔助吹簫兮挽拂當俟
坎盈念匏繫于各天惟能使遣

祭丁母劉太夫人文

青琳啓宇雲催彩鳳之驂翠水翻濤風引斑龍之駕
悵佳城之鬱鬱永閔香棺歌薤露之溥溥載霑丹旒
惟我太年伯母丁太夫人系由華胄源溯御龍幼習
悅鞏長親柘繡擅針神之號書抽班史之能爰及于
歸克明婦順嚮晨供饋逮夜鳴機雖睦周親輯和宛
若自我太年伯廷植先生甲科早擅民社榮膺趙北

燕南人霑化雨飛鳧馴雉譽接名流彭澤乍來共識
陶公之柳河陽旋擢爭看潘令之花軾燦緹油車輝
曲翳凡無勞于內顧胥婦職之得賢爾其庭植芝蘭
階榮棣萼長君則塵生萊醜五馬榮推次君則身到
鳳池即星應列二難競爽雙壁連珍此陸氏機雲齊
名洛下季家心布績績關中者也况夫瓜綿紹庭桐
挺孫枝譽重明經聲傳甲第侍書秘閣登玉署以觀
我視影花飄泛瀛洲而浩渺斯又受茲介福王母懋
享期頤垂裕後昆名孫並瞻秀發者也夫何金丹九
轉遂來妙想之香玉簡頻招遽作飛瓊之伴望靈衣

之虛襲撫縹被而空陳某等誼叨世講素仰音徽愧
無彤管之詞忝附墨書之譜惟是度將絮酒遥申奠
駸之忱敢冀雲駢下鑿精誠之格

答顧孝廉思亭書

蘇州人 庚子仲冬見示新撰天雉書院記

拭頓首思亭先生足下月之某日舍姪自大名來具
述起居佳暢良慰良慰又承垂念賜以尺書叙曩昔
盍簪之歡志邇日違袂之感寓流水知音之懷有他
山攻玉之益款款勤勤殆如面諭雲誼高深且感且
媿不材憶于京邸獲親道範邇時如新生之犢不知
畏虎么麼之蠅輒欲附驥是以忘其鄙陋嘗相追隨

而先生降松柏特立之操隆菲葑不遺之雅謂李泌
交可忘年子夏學當長進遂爾往來款曲晨夕議論
受益孔多伊誰之賜然朽木仍是難雕培塿不能自
長馬齒日增駒隙易過俯念今我慚看故人夙夜思
一見黃生消其鄙吝時親韓愈予之薰沐而東琴西
缶既苦道遠音殊北雁南魚又復人希信杳正當懷
想忽惠德音樂可知矣暢何如之某聞仁者贈人以
言君子耻已獨善觀所云云一何懇懇窮經之學即
曰未能荒殖之譏敢忘相勗盖鼯鼠之腹易飽而跛
鼈之行不遠然如井蛙之拘墟駘駒之局趣亦鄙念

所不安也。琳琅之作，素所佩服。伏讀近著，尤爾饜心。嘗一嚮者，識全鼎之味，覩片羽者，知吉光之奇。積學之深，于此益見。夫散體之文，貴乎遺俗高士之篇。尤先造意操觚之家。遇如此題，必謂時衰，則人尚武世治，則士競文。感五季之衰亂，則意存乎憑弔。樂今日之盛平，則言切于頌揚。又或拾周孔之剩聞，掇曾王之舊稿，如斯而作，無之為愈。而先生獨就知雄之義，力祛求勝之心。勉儒者以若谷，回流俗之狂瀾。斯夏書所為不伐，周易之貴撝謙。匪僅莊老之卮言也。加以趣隨理深，興與古會。則又以歐蘇之神致，運匡劉

之根柢。知者其誰良，非妄歎展誦再三。眉宇飛越，然大著等身，再命希得便。不時郵示，蓋望蜀之思，似乎無厭。而發棠之請，斷不見呵也。春闈不日，良覲匪遙。幸氣候方寒，幸惟杖履自保，順便修答，不盡所懷。

○ 威鶴泉師三台詩話序

士君子私居于鄉，交遊微迹，足不越百里外。即讀書積行，其傳常難。故數百載後，往往有隨烟雲草木而俱盡者。其或慨然出交當世，迹徧四方，贈答寄貽之章，隨處而有。然散布在人間者，名字不知其分，與合籍貫不知其一，而二縱其鄉之後輩，不易攷也。若地

之名公鉅卿聲施赫奕自無不傳而誌其大者或遺其細佳言韻事湮沒可惜又山川靈淑所鍾一鄉一邑間雖童孺婦女以及仙釋雜侶亦必有超越尋常可光志乘者聞見不廣搜覽或遺載筆者十常漏其七八由斯以談人物之汨沒者多矣摠懷舊之蓄念發潛德之幽光良亦後來居鄉者之責也吾師台州威鶴泉先生嘗誦蘇子瞻之言以為君子無所私愛而於父母之邦非如行道之人漠然而已故孜孜以故鄉文獻為任披覽古今遇有一詩一文之一事之涉于桑梓者無不手錄蓋已撰輯成數十卷用補志

乘之缺若三台詩話其一種意亦不專為論詩設也先生時館于枻家枻方專意舉子業未遑他務緣先人在日曾命輯宋元人詩文集其中若江湖諸集大雅集玉山雅集載台人尤夥先生採枻所錄不沒其勞爰命志其緣起兼勗以士人搜羅舊事表章往哲不限一鄉先自近始東魯文獻子暇日當任之也枻唯唯因思讀書之士各有志若是則人各表其鄉而人物盡出天下無不足徵之文獻其為益豈淺鮮哉時乾隆乙巳仲冬丁未朔昌平孔廣枻謹序

平金川賀表

代國子監助教胡某作

臣聞虞帝之格苗命夷典夔即在值翻舞于之日周
王之績緒西雍東膠即興于放牛之年歸馬蓋甲兵以安
攘禮教以興行文經武緯千聖相乘異車同歸欽惟
我皇上德超三古澤浹八埏聲教蓋開闔丕冒極
覆冒誠古今未有之隆軌也獨金川末寇久逋誅
伐眇爾小逆本屬纖醜我皇上德被無私津潤無
外煦之如春煦之如日博之如天容之如地思凡天
下跛行喙息蠕動趨枝布葉之倫靡不長養樂育遂
其樂育遂其所性矧茲醜虜方趾圜廬未判人類而
任之黷棄倫常育督化育亦一夫不得所之憂也于

是畿牙毒蠱陳六師干戈則敵乃穀乃步伐則六之
七之未五年已埽穴禽魁兩兇者定進彼蠢畜得為
蠢畜得為一堯民乃告之上帝 聖祖 神宗而
致成功復練時日奉 慈寧安安輿 東巡岱嶽及
闕里夫子之廟王者出征執有罪反釋奠以訊誠告
之禮也臣某 躬親 盛典職忝載筆雖不能測 聖
德高深之微芒伏念鏡歌樂章採詩自古不揣媿鄙
謹拜手稽首而獻凱歌十首方之夏諺之歌豫遊志
忭悅之私忱。天王神武赫聲靈上將征行奮震霆
從此巴庸邊索靜佇看折箠使鈎町。石疊印籠千

文高山腰雪滑賊臨濠叛羗休恃旄牛微獸窟禽標
徒爾勞。鈴櫟無聲祭戰國勒圍克後啓。天顏
九重。聖主勤宵旰吉語先馳露布還。偏將英風
大將才憑陵歧阻跨邛來山頭笑指新羗壘賭取闔
分一瞬摧。火彈星飛木柵連羽林霹靂控鳴弦將
軍夜半焚巢火疑誤山花放杜鵑。松簽徧布成渠
答礮礮高排拒贖尤一自奪將雙寺去纔知蜀道未
曾難。金川逋寇欲何逃又乞灰釘丐領要。湯網
原恢新沛澤。禹階生教舊頑苗。急遞紅旗走欣
飛適逢聖帝謁陵歸桃花寺路桃花色直送吉祥上

翠微。汪濊恩波撫善蠻羗人不復更叢姦凱傳蜀
國矛渝舞俘獻。天門綵仗班。郊圻草木沾。天
澤岱嶽英靈護。帝巡永永寰區千億世春臺穩卧
太平春

賜樂善堂詩三集謝表

代堯章

欽惟我 皇上道炳奎文言敷疇極摛性情于幾暇
叶虞韶九奏之音溥風雅以化成脩周禮六詩之義
珠羅象網簡編積歲月彌新藻揆。天廷典麗與圖
書並重前此 琅函再布久垂 彛訓于詞壇越茲
玉軸三成益富珍竒于學海允 聖功之日進合

乾健于天行順時月以分編紀歲適週辰次間體裁
而成帙為章儼婉星文義括群經合億萬載盡歸陶
鑄理衷一是覺三百篇尚費增刪從茲播以聲歌舉
世咸資其解阜若使調之鍾律元音定致夫嘉祥爰
登文本以頒行 特沛恩波而遠賜開函敬誦恍
聞天語于空中啓閣珍收頓動金聲于壁裏統初二
編而聿參秘奧三極兼談分詩文集而共仰高深重
離兩作洵遠邁乎帝典王謨足垂範乎千秋萬世臣
學虛汲綆才謝操觚思頌美而難名益信術窮蟲管
擬循文而繹義空慚腹滿江河惟有貯寶篋而永傳

庶以賁休文于無既

賜重刻淳化閣帖謝表

代堯年

欽惟我 皇上道炳奎文治隆淳古探義經一畫之
原先天立極溥周禮六書之化溥海同風筆花散彩
臨摹出龍鳳之姿墨質流馨釐訂絕承魯之誤推先
朝之法刻以淳化為最佳體兼衆善遠軼隨唐搨具
全神近超潭絳特以棗版銀櫺真本之流傳絕少兼
之釋文題跋諸家之迷誤良多爰 命儒臣脩文加
詳按史書而編次甲乙重新分爵里以標人源流
各判碑湮聽之異代偽不淆真蹟似辨于一家孫無

涵祖凡茲考正悉稟 聖裁加以品題重敷 宸藻
銀鈎勒就視劉潛夫之購本神韻彌完楮榻裝成比
畢太傅之舊藏光輝逾澈分儲冊府行殿亦備披尋
遍 賜臣工多士並承模楷更蒙 天賚降及臣家
加舊爵于 先師文映當年科蚪貴新光于古壁祥
生此日金絲帖為兩部喜有美之得雙寶並三希信
加恩之無已臣職忝象賢學慚稽古睹篆隸真行
之備美觀于海而難為言玩點橫努趯趯之燦陳得
其門而或可入由分觀合欣承 魏煥于堯文沿波
討源庶悟形聲于韻字

送兗州太守王公鶚之任萊州序

庚寅冬

飾五馬颺雙麾屬吏屏營道左導前擁後布路而來
者究之新太守也新守之來故守王公之去也故守
王公何以去以昏姻之有漕之責而避之而遷于萊
也遷于萊果以避而遷與曰非也名以避而遷也先
是王公之守兗也屬縣有蝗而未之聞于守也觀察
李公瀚王公之長吏也行縣于東見縣之捕蝗者索
二盞滿實以去夜疾馳二百餘里而抵于署遣人叩
守之門且急曰行縣歸于守有所遺王公被衣起張
燈廳事延使入遽置盞于地啓之則騰撲跳擲几席

衣袂間皆蝗也王公且慌且驚夜馳驟而東故曰名以避而遷也然則王公之守何如王公固長者愛民不欲煩擾之且捕蝗之役舍稽事比家追呼驅暴炎日而蹂躪其禾稻而蝗不滅故捕之不可急也則王公之避亦不足病王公也故于屬吏之屏息道左盼雙纓五馬而偃僕者感新守之來而故守之去也乃為序以送之

文王百子閣記 己亥春日代人為滕縣某作

嘗讀孔子之言曰子也者親之後也敢不敬歟未嘗不歎嗣續之衍繼體之重為人道之至要也又聞之

詩曰太姒嗣徽音則百斯男未嘗不歎子孫之多至文王傳為盛事美談也故周南於螽斯一及之麟趾再及之而其後八士之稱為國家瑞者先後相為輝映豈不以道高望著事鮮比倫美斯愛愛斯傳歟周禮媒氏男三十而娶女二十而嫁王吉所謂夫婦人倫之大綱天壽之萌也然古者國君十五而生子而傳疑者又有文王十四歲而生伯邑考之說蓋國君重嗣續宜早娶且諸侯一娶九女則文王百子之說事雖奇而理無足異三代而下婚禮不講貧者有鰥獨之歎而富者或以淫佚伐其性往往中人之產娶

數歲而無子則廣置媵妾又數歲而無子則變而為
陰陽之說禱於佛氏廣造彌陀之廟若欲以善願求
其冥報夫佛釋之說有無無足深辨即云有之其義
云何曰清靜也曰無為也曰冥情絕物枯槁寂滅也
奈何以有子為其報也鄒縣安生某則不然年甫壯
歲有子八人鄉里咸嘖嘖稱道以為一家之瑞積行
為善之所致而生顧皇然曰子也者親之後也聖人
嘗言之矣自古子孫之盛者莫若文王於是創為文
王百子閣於此可見其所見者正而不乞靈於虛無
所奉者正而不冥心於因果即一閣之起而好古之

志寓焉教子之方立焉當斯時也牽衣而嬉棗梨相
讓兄先弟後或抱或提致足樂也不數歲而後入學
授經誦文王之易讀周公之禮循閣而趨晏然在望
思閣之所由來不已儼示一古處之道哉然自古傳
文王百子而百子之名不著載在經者武周三叔而
外如康叔聃季成叔毛叔叔繡振鐸之類曾不數十
人富辰所謂管蔡邶霍魯衛毛聃邴雍曹滕畢原鄴
卯者鄭注以為十六國皆文王子而未盡詳其名自
非經籍所載徵之僻書亦虛而不足取信且百子之
稱固不必因百子之名字而顯也所取於生者正以

所見所奉者正而不鄰於妄誕不經即謂媿美於八士也可且由八人而遞增之安知不上希文王之百子也

王韻亭元樾詩序

王子韻亭予猶女之婿也家世遼東群空冀北弱齡藻繪命寔憎夫文章累代簪紳運適當夫陵替空抱穿楊之技莫伸倚馬之才前此從仕薄遊遭家不造脫身西土坦腹東林玉樹臨風快締絲蘿之結金屏射雀允稱靜好之述乃無三尺之孩提遽斷百年之砧藁際斯厄也天可信乎嗣後羈愁幕府浪迹行僧

雖非張儉之得孔融亦類少陵之依嚴武化簿書而為風雅隨觴咏以訂交遊誼薄雲霄託堪生死此王子之才不以命掩王子之德不以才鳴者也今秋從先兄官署道過昌平示詩若干首皆其長歌當哭意不盡言者囑予為弁言嗟乎予非能文者且王子之詩特自言其情耳非可以一序為輕重獨是王子之奇窮軼才與夫高情摯誼則數語可以覘其梗概焉乾隆辛亥冬十一月朔壬申闕里孔廣斌記

代如川峇畢制軍允婚啓

伏以階仰三台原開百福鸞書式締欣看白璧騰輝

鳳卜諧祥允兆赤繩結綵信天緣之有自幸地望之
得攀期二姓之交歡行六礼而伊始恭惟總制老親
家大人以成周保釐之裔佐天朝變理之勲早歲看
花冠榮開人鏡壯年東轍卓樹官箴蒞秦漢之故都
撫循績著控荆蠻之舊地節制功多福曜榮移普恩
膏於陰齋陽魯仁風肆扇幸光霽於泗水東山良用
休哉快何如矣頃於接待之餘寵有絲蘿之許惟枝
高自能下逮邇源遠則其流長世德協昌家聲餘慶
月中之仙籙早定冰上之人語方來素慕羽儀得
邀越陰雖讀書而執禮惟是疏水家風即奉豆而托

遵未補涓埃帝澤含姪年方幼學猥至大宗敢曰
趨庭緊纜就傳面受一人之訓誨心猶五尺之孩
童每於嬉戲之餘試教陳夫俎豆乃詠蘋蘩之什礼
尚待夫季蘭訓子以內則為先衍卦惟家人之助茲
以今月良辰擇伴行禮葑菲無狀妄希妙選于乘龍
桃李有心先達微忱于奠雁代願光風昭昧滄海優
容百歲慶同心調瑟琴於燕喜一堂稱五福祝川阜
於鶴齡懌金蘭二姓永門庭之喜色縣瓜瓞衍
千年衍嗣續之鴻休肅製瑤箋仰希瓊報



